

Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Pars Prima De perfectione practica, stimulis ad eam, ejusque signis
duobus.

[urn:nbn:de:hbz:466:1-54750](#)

PARS PRIMA

*De perfectione practica, stimulis ad eam,
ejusque signis duobus.*

Si practicè vis scire, in quo statu œconomico sit domus aliqua, examinas quoad redditus & expensas annuas statum ejus actualē & habitualē. Si exactas vis inire rationes, in quo perfectionis statu vel gradu sis, examina non obiter, sed usque ad fundum, quomodo & actualiter & habitualiter constitutus sis in sequentibus.

Primo, Spiritualia quod attinet, quæ basis sunt & fundamentum omnis perfectionis, vide sis, an illa & his adjuncta opera pœnosa sœpè omittas, & ob eorum neglectum non sentias remorsum, aut sacrum aliquem horrorem. Si hic deficis, utcunque forte subtiliter de perfectione nōris disputare, adhuc longè ab ea abes, immo in periculo versaris statu tepiditatis, ita quidem, ut evomi possis ex ore DEI: vide item, an exactè observes ea, quæ ad disciplinam spectant domesticam, v. g. an ipso colloquii æstu ad datum signum observes silentium. Dum resocillationem habuisti, non obstante effervescentiâ aliquâ sanguinis in agendo, loquendo moderatus sis, consueto tempore cubitum eas, &c.

2dō, Considera, an, dum spiritualia satè accurate observes, immo & devotiones varias

E 3 super-

superaddis, nec disciplinæ domesticæ interturbatores, non sis singularis quoad communia cum cæteris opera, non abundes in sensu tuo, suprà alios velis sapere, & tibi, quod tu agis, placeat; non quòd alii, imò tibi in te ipso complaceras; ab aliis tua laudari, approbari appetas, vituperari ægrè feras, multumque exercitè & reapse vanâ aliquâ gloriolâ, aut aliis complacendi studio, stimuleris. Si hoc, non tantum non es in genuino ad montem perfectionis tramine, sed & merita apud DEUM plurima corruptes aut perdes; nam singularitas, & *inanis gloria*, teste Basili, *dulcis est spiritualium operum exfoliatrix, jucundus animarum hostis.*

3to. Si quoad hoc te vicisti, aut ab ejusmodi labi immunis es, inspice te ipsum, an, vocationi tuæ Apostolicæ conformiter, libenter labores, studeas, an ad arduum aliquod in te suscipiendum multum rogari debeas à Superiore, vel ad supplendum pro altero in hoc, illo munere movearis potius fomento inde proventuro, quam genuino Viri Apostolici motivo, an in defectu temporalis commodi declines aciem sub prætextu valetudinis, aut aliarum occupationum. Si sic declinas aciem, non habes spiritum S.P.N. qui est ex pura intentione supernaturali fortia multa facere, & dura multa pati, adiçōque non es in via perfectionis Apostolicæ. Sed de hoc plura infrà.

4to. Ut adhuc clarius me explicem, si te ipsa studes, laboras multum; sed tamen ad instar molendinæ es, quæ non molit, nisi largo & crebro

crebro perfusa liquore (sicut aliæ non molunt, nisi vento inflato vanæ gloriæ) præterea, si dum refocillationem habes, cù abuteris, & dum non habes, inquietus es, aut inter fratres murmurantes, eò quòd semper humectari velis, & ad tam indigna à vitiolo, quod pejus est, contracto habitu impelleris; nondum sanè post tot in Religione transactos annos, & media ad perfectionem statui tuo congruentem à benefica DEI manu largiter suppeditata in gradu aliquo veræ perfectionis es, utcunque multa ad animarum salutem, DEI gloriam, & Ordinis tui honorem te & egisse, & etiamnum agere arbitris. Teste Plutarcho, Ægyptii ex prima nobilitate mortuum condientes exemptum seorsim ventriculum in arcula seponebant. Dein, cùm Pollinctor cadaver ad Solem convertisset, defuncti nomine Solem, Cœlitesque omnes hoc modo contestabatur: *Sol rerum Domine, vosque Cœlites me vobis contubernalem reddite!* equidem piè vos colui semper, parentes honoravi, neminem occidi, aut deposito fraudavi, nec aliud quidquam infandum patravi. Quòd, si quid edendo & bibendo à me patratum est, id non mea, sed hujus causâ commissum. Simul cum dicto arcam, in qua ventriculus conditus erat, in profluentem projiciens, corpus reliquum, ut purum, & labis immunc condiebat. Ità NB. nobiliores Ægypti tumulabantur. Qui talentis, scientiis, rebus gestis velut Nobiliores eminent, videant, ne ratione ventriculi apud DEUM & homines ponant maculam in gloria; quia non

juvat culpam in ventriculum conjicere, aut eum in profluentem projicere; per hoc pura, & à labe contracta immunitis non erit anima. Si hoc in genere abdomini tuo nimium inservivisti, terribiliter, saltem in purgatorio, torqueberis, eò quod debitam hac in re statui tuo perfectionem non sis consecutus.

5to, Si temperans quidem es, abstemius officio quoque tibi demandato impigre fungiris, ostendis tamen per reiteratos actus, quod non reverentem ac morigerum te sat's præbeas Superioribus, nisi hi desiderio ac voluntati tua se accommodent. Si te & coram, & in litteris servum, filium obedientissimum nomines, interim re ipsâ defectum, cuius admoneris, non emendas, nec reprehensionem æquo animo feras. Ostendis hoc ipso te reprehensione dignum, & adhuc valde imperfectum; sicut & si invidiâ ureris, quod alii plus te amari aut æstimari videantur.

6to, Si qua Officialis, aut Sub-Officialis aliorum (prout rivuli subin majorem solent excitare strepitum, quam fluvii) dum oleo poteras curare vulnera tibi commissorum, acetum ex præcipiti quodam impetu affundas. Si in officio honorifico, dignitatula tua te non videaris satis posse capere, dilates fimbrias, & sis ex illis montibus, de quibus Propheta: *Tange montes, & fumigabunt*, adeoque genium quendam dominativum, præservidum, aut elatiores spiritus, quibus aliorum præfegers contemptum, nondum sat's fregeris. Jam sat's quoque ex acti-

actibus tuis, & inde generato habitu demonstras, quod perfectionem nondum possidere inceperis, quam S. P. N. in filiis suis requisivit, & consistit in generosa sui ipsius victoria. Stupenda sanè res! quod vir cætera annis & meritis gravis, temperans, in ascesi ac virtutis via versatus, tot sacris quotidianis exercitiis excultus, ex latente intus superbia, aut bile necdum domita, ad unicum verbum, exiguum occurrens rædium, tam subito obliviscatur sui, &, qui multò difficiliora superavit, ad ejusmodi lapillos non semel, sed tam crebro offendere notetur ab aliis; ita quidem, ut hi quoque alios monent, eum, de cætero bonum, esse ex illis herbis, de quibus vulgo dicitur, *noli me tangere*. Ad quid, obsecro, tua exactitudo in rebus spiritualibus, si, dum alii, minùs harum curiosi, & amariore verbo impetiti lentè se præparant ad equum furoris insternendum, & conscendum, tu jam modò subito ocreatus in eodem, in plenissima forma consideas, & cæsim punctumque ferias.

7timò, Si mansuetus quidem es, moriger, tractabilis, aliisque ornatus virtutibus; alia tamen quædam passio adhuc dominatur tibi, v. g. inordinatus amor erga carnem & sanguinem, patriam, concives, aut erga alium, cui ob apparentem tibi sinceritatem, ingenuitatem, feliciorē indolem, & nescio, quas sympathicas qualitates sensuali nimium affectu agglutinatus es, qui te in spiritualibus distrahat, per diem inquietet, partialē faciat, ut non rectum iudicium

dicum feras inter amatum à te, & ab eo dissidentem, & priori, etiam cum exigua fortè aliquum ædificatione, adhæreas, eum foveas, etiam in re non æqua tueare [quâ imbecillitate magni sæpè viri correpti fuere] ô jam certè necdum cor tuum DEO, qui solus id possidere vult, planè reliquisti vacuum, adeoque nec vim debitam hactenus tibi intulisti ad salebrosum perfectionis montem concendendum; & quia hic de occulto amoris ac critirii proprii fascino, quod viros cæteroqui sapientes ac graves sæpè dementat, sermo est. Adhuc unum, quod veræ ac reali perfectioni obstat, detegere debeo.

gvd, Sic nempe à natura solemus esse comparati, ut, ad quod ex ingenita indole propendamus, pro virtute aut virtutis actu habeamus, v. g. qui reapse avarus est, putat esse virtutem parsimoniae, qui prodigalis est, prodigalitati colorum appingit liberalitatis, qui justò servidior ei abundante bile est, vitium interpretatur esse zelum & rigorem justum, qui meticulosus, dormituriens, ac negligens in eo puniendo est, quod castigari meritò deberet, id ex spiritu mansuetudinis, amore pacis provenire autumat. Sic superbiam quis suam pro magnanimitate, pusillanimitatem pro humilitate, leporinas qualitates pro affabilitate, donóque conversandi sibi à DEO dato, inflexibilitatem ac duritatem animi pro fortitudine ac constantia, levitatem ac mutabilitatem pro prudentia, morositatem promodestia &c. vendit. Interim longè à medio, in quo virtus ac perfectio consistit, aberrat. Hic

opus,

opus, hic labor est, ut ex hoc te imperfectio-
num ac cæcitatum tuarum labyrintho explices,
siveverè, ut vi professionistuæ teneris, perfectio-
nem debitam consequi desideres. Hic gratia
DEI illuminans, dirigens, consilium Confessa-
rii, Superioris, judicium timoratorum ac pru-
dentum exquirendum, amorique ac critorio
proprio emoriendum est. Et hæc est materia
discussione digna pro omnibus, & maximè iis,
à quibus in cæteros multum boni, si medium
virtutis teneant; si verò ab eo aberrent, mul-
tum mali derivari potest & solet. Quòd si jam
his omnibus consideratis ac discussis pro hoc vel
illo perfectionis genere adipiscendo quasi despe-
ras ob habitum contrarium nimis radicatum, vel
passiones affectionésque animi tibi à natura for-
tiùs impressas. Jam eo ipso fateri debes, quòd
nec in via perfectionis sis, nec eam seriò inire
velis. Ergò hic præpotentibus tibi opus est sti-
mulis.

9no, Cogita ergo, quām carò hæc tua obsti-
nata divinis inspirationibus & impulsibus resi-
stendi ratio tibi Religioso ad tam sublime vitæ
genus, ad perfectionem etiam apostolicam con-
fectandam vocato & obligato, tot ad eam adi-
piscendam mediis instructo statura sit in vita,
morte, particulari, universalí judicio, & totâ
demum æternitate. Hoc rumaña sapiùs, dum
examen facis quotidianum, ad confessionem te
præparas, exercitiis spiritualibus vacas, dūm-
que te salutari terrore percutsum advertis, secu-
rim ad radicem tandem pone, *miserens anime*

riae, ut placeas DEO. Serius conatus, & cot-
 data resolutio tale est initium, cui vulgaris illa
 applicari potest parœmia: *Dimidium facti, qui
 bene cœpit, habet.* In virtutis via solum initium
 arduum est ob conflictum naturam inter & spiri-
 tum, & duarum inter se pugnantium rerum
 amorem scilicet DEI, & creaturæ vel rei illius,
 ad quam passio prædominans te potenter incli-
 nat. Nunquid experientiâ scis? quod DEUS
 te saepius impulerit ad inordinatum hunc vel il-
 lum affectum deponendum, & ipse solus cor-
 tuum plenè possidere voluerit, quodque ideo
 volueris, & non volueris, inquietus in animo
 tuo fueris, & saltem ante mortem omni inordi-
 nato affectu liber esse optaveris? Lucta & in-
 quies, quam hactenus sensisti rebellis luminis
 multò gravior est, ac illa erit; si serio injun-
 ctam tibi à DEO tui ipsius victoriam, in hac, illa
 passione suppressanda, velut crucem asperam
 acceptes, eamque tam fortiter cordi apprimas
 & adstringas, ut aculeos, si quos habet, ipso
 amplexu obrundas, dulcedinemque latenter
 exprimas, quæ sufficiat ad condiendas, quo-
 quot in ardua virtutis semita usque huc exhot-
 ruisti, difficultates. Illæ tibi crux videbantur
 insupportabilis, sed unctionem nondum proba-
 ras, quam jam incipies persentiscere. Videbe-
 ris tibi multò levior terreno isto abjecto ponde-
 re, eris quietus, hilarius, non timebis in tali
 statu mortem; severus Judex non tantum tibi
 videbitur placator, sed & uberioribus ab ipso
 gratiis solatiis inundaberis, dicesque saepè intra-
 te;

te: O quām mihi modò melius est, quòd inordinatum hunc affectum exuerim, à perfectione, statui meo conformi me hactenus avertentem. Jam in ea, quā cœpi, via pergam, securim per examen particulare radici applicabo, quæ pullulantes ex veteri affectu surculos absindat, & quòd ulteriùs per DEI gratiam progrediar, eò minus semper difficultatis sentiam. Bene habet, jam es in recta via; nam, teste Bernardo, *indefessum proficiendi studium, & iugis conatus ad perfectionem perfectio reputatur.* Si ex inconsiderantia, imprudentia, fragilitate subin ratio ne istius affectū inordinati, qui in te radices fixerat, aut passionis, quæ alias prædominari solita fuit, in peccatum leve expost labaris; hoc materiam tibi quidem humiliationis, diffiden tiæ tuī ipsius subinistrabit, non tamen, quia id deploras, & serio resarcire cupis, impediet; sed potiùs inflammabit ad magis imagisque debellandum, quod lapsūs istius causa est, & sic amor spiritualis, de quo in meditatione ultima libri exercitiorum agit S. P. Noster, pleniùs pa latim subintrans, quidquid in corde tuo ex amore naturali, sensuali, vel etiam inordinata aversione erga creaturas restat, expurgabit, tēque perficiet. Si vis signum habere, unde perfectionis statui convenientis gradus colligere aut dimetiri possis. Ecce duo, quorum primum est paulò sublimius, alterum omnino planum & simplex.

10mō, Ante meditationem de amore spirituali S. P. N. habet meditationem de gloriose

Christi Resurrectione, vi cuius & te gloriose resurrecturum speras. Jam *signum est*, quod & cor tuum DEUS, & tu perfectionem possideas, si, quantum humana fragilitas patitur, gloriose resurgentibus Beatorum corporibus imposterum in via perfectionis assimileris. Sicut enim corpus gloriosum præditum est quatuor dotibus *claritatis*, *agilitatis*, *impassibilitatis*, & *subtilitatis*, & sic quasi *spirituale* efficitur. Ita amor spiritualis erga DEUM (à cuius in te augmento ac gradibus, gradus quoque perfectionis dimetendi sunt) magis magisque in te accrescens, & quatuor animæ tuæ facultates pleniùs possidens, *Intellectui tuo dotem claritatis* communicabit, vi cuius tenebras ab amore proprio, aut passione in te fortiori affusas facile dissipare, & voluntatem accendere possis ad prælucendum cæteris splendido virtutum exemplo. *Dono agilitatis* idem amor afficiet voluntatem, quâ prompta redditur ad omnem DEI nutuum, ut continuò idem velit, &, superatâ exiguâ adhuc hominis inferioris reluctantiâ, voluntati divinæ in omnibus obsequatur. *In appetitu*, ut vocant, *concupiscibili* idem amor genus quoddam dabit & augebit *impassibilitatis*, quâ obturatur animus adversus omnes voluptates, & objecta sensum titillantia, ut nullâ earum vi à recto discedat. *In irascibili* denique *appetitu* donum quoddam implantabit *subtilitatis*, vi cuius, sicut sine difficultate corpus gloriosum, quælibet obstantia etiam durissima, penetrat, ita tu difficultates in via perfectionis occurrentes perruinas,

pas,

pas, tēque in agendo ac patiendo voluntati di-
vinæ perfectè accommodes. Alterum *planum*
& *simplex* perfectionis à te possessæ signum est
primo, si, quod de Anna uxore Elcanæ 1. Reg.
1. legitur: *Vultus illius non sunt amplius in diver-
sa mutati, & vultus seu animus tuus (sive in
prosperis, sive in adversis, sive dum laudaris,
sive dum vituperaris, sive objecta grata, sive in-
grata habetas, sive ad amorem, sive ad iracun-
diam inciteris, sive sanus sis, sive æger) non
amplius in diversa mutetur, hoc est, in omni
eventu tibi semper similis ac præsens maneas,*
*nec magnam in passione contra nitente suppri-
menda [ut exteriùs non appareat, & interiùs
non cruciet] difficultatem invenias. Hic enim
verò lapis Lydius virtutis ac perfectionis est. 2dō,
si, quod Pharao Josepho dixit Gen. 41. *Abs-
que tuo imperio non movebit quisquam manum aut
pedem in omni terra Ægypti, tu DEO dicere
possis, quòd ità ei in omni actione, cogitatio-
ne, conversatione, eventu unitus maneas, ut
nec pedem, nec manum, nec linguam, nec
aliud quocunque membrum moveas, aut opus
inchoes, quin non simul vel habitualis, vel vir-
tualis, vel actualis & expressa intentio influat,
hoc faciendi, quod ipse vult. Hæc duo, nem-
pe sibi semper in omni eventu similem esse, & in
omni actione conjunctum manere DEO, sicut
sunt certissima perfectionis signa, ità & in iis
tota consistit in hac misericordiarum valle felicitas, &
reverà eò devenies, si indies ea, quæ tibi præ-
scripta sunt, serio coneris bene facere. Porro**

unio-

unionem cum DEO præter allata in hac prima parte mirè promovet frequens per diem mentis in DEUM elevatio. Et quia hæc ipsa multum quoque contribuit ad opera quotidiana perse-
cutiæ obeunda, hinc in secunda parte de hoc utilissimo exercitio agetur.

Interim, quia homo Societatis non tantum ad hanc perfectionem & felicitatem vocatus est, sed ut simul salutem ac perfectionem proximi promoteat, talēmque se per cooperationem cum gratia divina formet, ut omnis generis officia, directionem ac regimen animorum tam in- quam extra Societatem concernentia, ritè ad majorem DEI gloriam obire valeat, modò ut promisi, de perfectione ac dotibus ad Virum Apostolicum requisitis agam.

PARS SECUNDA

De triplici dote ac perfectione viri ad proximum juvandum vocati.

PERFECTIO ad genuinum Virum Apostolicum requisita exigit, ut D. N. J. C. ad cuius Societatem vocatus es, vitam, mores, & modum agendi exprimas in omni opere, in quo sive cum Confratribus, sive cum externis agis. Jam sicut de Divina Sapientia Sap. 8. dicitur: quod attingat omnia à fine usque ad finem fortiter. Quia ueritatem, ita in vita, & modo agendi Christi cum hominibus, quorum futurus Salvator in mundum venerat, invenies: quod, dum cum homi-